

/Վարչական վարույթը վերսկսելու և վարչական տույժ նշանակելու մասին/

«06» մայիս 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Վահրամ Վարդանի Հովհաննիսյանի /անձն. BA2728785, քաղաքացիություն՝ Հայաստանի Հանրապետության, հասցեն՝ ՀՀ Կոտայքի մարզ, ք. Հրազդան, Միկրոշոջան 2.300, բն.35/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2019 թվականի հունվարի 7-ին Բազրադաշենի մաքսային կետ-բաժնում մաքսային զննման է ենթարկվել Վրաստանի Հանրապետությունից ՀՀ ժամանած Վահրամ Հովհաննիսյանին պատկանող և իր կողմից վարվող «OPEL COMBO» մակնիշի, 23VL001 պերիամարանիշի ավտոմեքենան: Մաքսային զննման արդյունքում պարզվել է, որ մեքենայի մեջ առկա են հայտարարագրման ենթակա ապրանքներ: Վարորդից վերցվել է տրանսպորտային միջոցի հաշվառման վկայագիրը և մեքենան ուղարկվել խորը զննման անգար: Տրանսպորտային միջոցի զննման ընթացքում պարզվել է, որ առկա են հայտարարագրման ենթակա 21 արկղ մեխակ տեսակի ծաղիկներ: ՀՀ քաղաքացի Վ. Հովհաննիսյանին առաջարկվել է ներկայացնել մաքսային ձևակերպումների համար անհրաժեշտ փաստաթղթերը /բուսասանիտարական սերտիֆիկատ/: Վ. Հովհաննիսյանը առանց մաքսային մարմինների թույլտվության, տվյալ բեռի վերաբերյալ հայտարարագիր չներկայացնելով, լքել է Բազրադաշենի մաքսային կետ-բաժնի տարածքը՝ իր հետ տանելով հայտարարագրման ենթակա 21 արկղ մեխակ տեսակի ծաղիկները:

Փաստի առթիվ Վահրամ Հովհաննիսյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

Նշանակվել է գործի քննություն 07.03.2019 թվականին ժամը 15:30-ին, վերջինիս հասցեով ուղարկվել է մաքսային կանոնների խախտման վերաբերյալ արձանագրությունը և գործի քննությանը մասնակցելու վերաբերյալ ծանուցագիրը:

Նկատի ունենալով, որ վերջինիս հասցեագրված ծրարը ետ է վերադարձել, «անհայտ» նշանագրմամբ, ուստի ՀՀ ՊԵԿ Արևելյան մաքսատուն-վարչության պետի 07.03.2019 թվականի թիվ 63/6 որոշմամբ կայացվել է վարչական վարույթը կասեցնելու մասին որոշում՝ «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 2-րդ մասի «ա» կետի համաձայն:

Գործի քննության շրջանակներում 12.03.2019թ. թիվ Ե/22-4.1/3720-2019 գրությամբ հարցում է կատարվել ՀՀ ոստիկանության անձնագրային և վիզաների վարչություն՝ ՀՀ քաղաքացի Վահրամ Վարդանի Հովհաննիսյանի (անձնագիր՝ թիվ BA2728785) ՀՀ-ում հաշվառված լինելու վերաբերյալ տեղեկատվություն ստանալու նպատակով: Պատասխան գրությամբ հայտնվել է, որ ՀՀ ոստիկանության անձնագրային և վիզաների վարչության բնակչության պետական ռեգիստրի տվյալների համաձայն քաղաքացի Վահրամ Վարդանի Հովհաննիսյանին, ծնված 16.08.1983թ., ՀՀ ոստիկանության ԱՎ վարչության Հրազդանի անձնագրային ծառայության կողմից 17.03.2018թ. տրվել է BA սերիայի թիվ 2728785 կենսաչափական անձնագիրը: 09.01.2004թ. հաշվառված է Կոտայքի մարզ, ք. Հրազդան, Միկրոշրջան 2.300, բն.35 հասցեում:

Միևնույն ժամանակ հարցում է կատարվել ՀՀ անշարժ գույքի կադաստրի կոմիտե՝ ՀՀ քաղաքացի Վահրամ Վարդանի Հովհաննիսյանի անվամբ ըստ հասցեների ՀՀ ում գրանցված գույքի վերաբերյալ տեղեկատվություն ստանալու նպատակով: Ի պատասխան հայտնել են, որ ըստ ՀՀ ԱԳԿԿ էլեկտրոնային արխիվի տվյալների քաղաքացի Վահրամ Վարդանի Հովհաննիսյանի անվամբ Հայաստանի Հանրապետությունում որևէ անշարժ գույքի նկատմամբ սեփականության իրավունքի պետական գրանցում կատարված չէ:

Որից հետո վարչական մարմինը 14.03.2019 թվականի թիվ Ն/22-2/10784-2019 գրությամբ դիմել է ՀՀ ՊԵԿ հետաքննության և օպերատիվ հետախուզության վարչություն՝ Վահրամ Հովհաննիսյանին հայտնաբերելու և որոշակի հարցեր վերջինիցս պարզելու համար: Սակայն որևէ պատասխան մինչ օրս չի ստացվել:

Վարչական վարույթի շրջանակներում ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի 4-րդ բաժանմունքի մաքսային տեսուչ Դավիթ Արզումանյանը բացատրություն է տրվել այն մասին, որ 2019 թվականի հունվարի 7-ին Բագրատաշենի մաքսային կետ-բաժնում զննության է ենթարկվել OPEL COMBO մակնիշի 23VL001 պետհամարանիշի ավտոմեքենան: Տեսազննման արդյունքում ավտոմեքենայում հայտանքերվել են 21 /քսանմեկ/ արկղ մեխակ տեսակի ծաղիկներ: Բոլոր արկղերը միանման էին՝ նույն ձևի և նույն չափի: Մեկ արկղում եղել են թվով 500 /հինգ հարյուր/ հատ մեխակ տեսակի ծաղիկներ: Վ. Հովհաննիսյանին առաջարկվել է ներկայացնել հայտարարգիր , սակայն վերջինս պատասխանել է, որ չունի բուսասանիտարական հավաստագիր և կհայտարարգրի նշված փաստաթղթի առկայության դեպքում: Որից հետո առանց հայտարարագրի ներկայացնելու լքել է Բագրատաշենի մաքսային կետ-բաժնի տարածքը:

Վարչական վարույթի նյութերում առկա է նաև մեկ այլ զեկուցագիր, որով Բագրատաշենի մաքսային կետ-բաժնի մաքսային տեսուչը հայտնել է, որ սույն թվականի հունվարի 7-ն ժամը 13:30 թույնի սահմաններում OPEL COMBO մակնիշի 23VL001 պետհամարանիշի ավտոմեքենան չլսելով տեսուչի կանգ առ հրահանգին՝ շրջանցելով բոլոր ավտոմեքենաները մեծ արագությամբ լքել է մաքսային կետ-բաժնի տարածքը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ ՄՕ 203 հոդվածի 3-րդ մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի չափով:

Եվրասիական տնտեսական միության մասին պայմանագրի 46-րդ հոդվածը սահմանում է ոչ սակագնային կարգավորման միջոցները, այն է. Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ:

07.01.2019 թվականի դրությամբ 1 մեխակի արժեքը եղել է 0.3 դոլար, իսկ 1 դոլարի փոխարժեքը՝ 483.75 դրամ: Ըստ տեսուչի բացատրության ավտոմեքենայում եղել են 21 արկղ, յուրաքանչյուրում առկա են եղել 500 հատ մեխակ տեսակի ծաղիկներ: Այսինքն Վ. Հովհաննիսյանի կողմից ՀՀ է ներմուծվել թվով 10500 հատ մեխակ: Տվյալ պահին վերջինիս կհանձնվեր թվով 15 հատ մեխակ, այսինքն 10485 հատ մեխակ տեսակի ծաղիկի վերաբերյալ պետք է ներկայացվեր հայտարարգիր: Ծաղիկների ՀՀ ներմուծման համար անհրաժեշտ է ՀՀ ԳՆ սննդամթերքի անվտանգության պետական ծառայության կողմից տրվող թույլատվություն:

Վահրամ Հովհաննիսյանին հասցեագրված բոլոր ծրարները փոստային բաժանմունքից հետ են վերադարձել “անհայտ” և “տեղափոխված” նշագրումով, սակայն ՀՀ ոստիկանության անձնագրային և վիզաների վարչության բնակչության պետական ռեգիստրի կողմից հայտնել են, որ վերջինս 2004 թվականից հաշվառված է Կոտայքի մարզ, Հրազդան, Միկրոշրջան 2 300 բն 36 հասցեում: Ուստի ՀՀ ՄՕ 219 հոդվածի 2-րդ մասի ուժով սույն վարչական գործը քննվում է վերջինիս բացակայությամբ /գործը կարող է

քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե **անձը բացակայում է, և հայտնի չէ նրա գտնվելու վայրը**, կամ եթե նա գտնվում է Հայաստանի Հանրապետության սահմաններից դուրս: Սույն վարչական գործով կատարվել են անհրաժեշտ բոլոր գործողությունները և գործը քննվել է օրենսդրությամբ սահմանված կարգով:

Ուսումնասիրելով սույն վարչական գործի նյութերում առկա փաստաթղթերը վարչական մարմինը գտնում է, որ Վահրամ Հովհաննիսյանի արարքում առկա է ՀՀ ՄՕ 203 հոդվածի հատկանիշներ: Վերջինս մաքսային տեսուչի կողմից զգուշացվել է, որ անհրաժեշտ է իր կողմից ՀՀ ներմուծված ծաղիկների համար ներկայացնել հայտարարագիր, սակայն վերջինս գիտակցելով իր կողմից կատարված իրավախախտման բնույթը՝ չենթարկվելով մաքսային տեսուչի օրինական պահանջին լքել է մաքսային կետ-բաժնի տարածքը:

Ելնելով վերոգրյալից և ղեկավարվելով Վարչարարության հիմունքների և վարչական վարույթի մասին ՀՀ օրենքի 3-րդ մասի, ՀՀ մաքսային օրենսգրքի 221 հոդվածով՝

Ո Ր Ո Շ Ե Ց Ի

1. Վահրամ Վարդանի Հովհաննիսյանի նկատմամբ 22.01.2019 թվականին հարուցված վարչական վարույթը վերսկսել:
2. ՀՀ մաքսային օրենսգրքի 203-րդ հոդվածի 3-րդ մասով նախատեսված մաքսային կանոնների խախտում կատարելու համար Վահրամ Հովհաննիսյանին ենթարկել վարչական պատասխանատվության՝ տուգանելով 1521635 ՀՀ դրամի չափով:
3. Որոշման մասին հայտնել Վահրամ Վարդանի Հովհաննիսյանին:

4. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ